

主 編 卞 甫
副 主 編 陳玉宇

明代基本史料叢刊·文集卷
「洪武、建文朝」
(第一輯)

一八

綫裝書局

兵部續題名記

至正四年今陝西行省左丞高昌廉公為兵部尚書
刻石以紀官僚姓名於茲一紀矣而書之石已滿尚
書高昌歪頭公謀諸寮案賓幕各出廩祿買石以刻
之以余嘗承乏員外郎去官未久亶為之記嗚呼自
國家用兵以來諸司往々增置職員而兵部為最多
雖曰最多而王事靡盬至有未嘗覲面者鄉非有所
紀載則孰茫而考之哉又安望其終子孫後世通家
之好乎然則此石之續刻誠不可缺諸且本朝兵曹

之職掌其事非一今日之所當急者乘傳為先務使
者旁午道途晝夜不息芻粟踊貴而蘇戶凋敝通變
宜民必有其說幸以恩榮所被獲聯官位未遑一日
同堂而合席相與究論其或罷或行定立規制以遺
永久此今尚書高昌公與素相與嘗慨然于斯由是
知六曹設官所以綱維世政若復使之馳驅四方則
諸部之職其敝有不可勝言者故余為之記而并及
之

吏部主事題名記

吏部主事公署有題名之碑自至元再紀元之六年始額今十年而石已盈于是脫火赤君齊清楊君伯敬齊君允仲來為是官謀續刻之而屬史官危素為之記素讀周官書首列天官其職可謂重矣然其事今歸之宰相執政獨所謂以叙正其位以叙進其治以叙作其事以叙制其食以叙受其會以叙聽其情其事則今吏部所額掌也皇元奄有萬邦自府史胥徒及一命而上其進退予奪皆聽命于吏明天下威

福之枋以綱維斯世其事权之重為何如哉然事無
大小公櫝之署必主事始本之以理揆之以法使公
論無所蔽私恩無所施上無倖進之譏下無淹才之
嘆則為不負其職矣嗟乎為是官者可不慎欵可不
敬欵

振卹樂戶記

國朝減金之五年歲在戊戌詔曲阜孔公元措括故太常知禮樂者給驛傳徙之東平明年孔公至燕訪求掌樂許政等九十有一人世祖皇帝中統三年九月東平萬戶嚴公忠範言宮縣三舞工人未備請以土人習之中書省臣忽魯不花議以為是且蠲其賦役至元三年中書以東平等處禮樂戶道遠資糧費重止留九十有二戶餘遣之還取京師傍近諸生三百八十有四人補其數十九年十一月太常寺官太

卷六

卷六

十九

芳林園

出脫忽思伯麻思三公言禮樂戶籍屬皆貧命丞相
霍禮和孫公覈其數戶賜鈔五十貫丞相柔葛枋國
乃征其賦役司徒撒里滿公等講復之制可成宗皇
帝元貞元年十月太保月出察而大司徒兀都帶兩
公請振其乏詔賜御史臺贓罰錢百五十貫大德
十一年武宗皇帝有事於大廟禮樂戶懇于上前詔
丞相乞台普濟公人賜鈔千貫至大二年親祀者二
初賜幣各一束再賜鈔各七十貫延祐七年英宗皇
帝賜帛四百四十五束綿四百四十五觔仍命中書

與之糧食至正三年今上皇帝享帝南郊丞相脫
公請于上人賜鈔百五十貫苾之十一年春丞相掇
祀先農天甚寒大樂署令高君泰丞卜頴帖木兒復
以為言得戶賜鈔三百五十貫於是協律郎邢敬忠
丞規以余庀職史官請書其事以刻石予既諾之而
未遑也會遷太常博士乃考諸故記并序祖宗以來
未嘗不致謹于禮樂賜賚優渥而恩澤深濃若乃明
律呂之源通制作之義其功至于舞百獸而來儀鳳
固臣下之職也

明代基本史料叢刊·文集卷（第一輯）·洪武、建文朝

明史紀事本末

卷一

十

四六四

樂平州慈湖書院贍學田記

昔楊文元公之宰樂平也崇教化敦禮義治人事神
克盡其道樂平之民向之蒙公惠澤者由今觀之皆
其高曾祖父矣然去之百年猶不能忘非漸摩撫循
使之心悅誠服者詎能至是孔子曰君子學道則愛
人有以哉表正肅公之提點江東刑獄乃創書樓廟
學之後入國朝至元十九年縣君翟君衡謀於故承
相馬公崱祠楊氏請以貢士莊田若干以供祭祀以
贍師生馬公以為宜乃得魏氏之隙地于縣治之東

卷之六

卷之六

十一

芳林園

高明亢爽山川敵奇爰築宮其上率諸生舍莫焉事
既上聞賜額曰慈湖書院設官如令式二十七年覈
天下戶口延祐二年經理由畝皆係於書院其後不
知緣起者每以貢士莊為辭而吏得以舞文其間甚
不足以仰成聖朝敦厲學校成俗化民之意至至元
年公之五世孫同翁來為山長刻其事於郡饒州路
總管府知事于君凱言於郡守曰慈湖書院以貢士
莊田養士行之於國初非害於法若何而靳又以上
於江浙行省行省是其言自是書院始有田素使過是

州既拜謁祠下同翁具述其顛末求為之記惟楊氏
之學得之陸文安公其為樂平也寔朱文公為浙東
常平使者之所荐也而不知者紛々然謂朱陸異學
可勝歎哉今書院有田以自養學于其間者他日出
而仕於朝有民社焉當以公樂平之政為師範焉
可也是為記

明代基本史料叢刊·文集卷（第一輯）·洪武、建文朝

明倫彙編

卷一

廿二

芳桂園

休寧縣尹唐君覈田記

國朝以五事六事責成於守令其目皆曰均賦役嗟乎賦役之難均也久矣大抵江淮之非賦役求諸戶口其南則求諸上田戶口之貧富無恒業土田之貿易無恒主由是雖欲其均卒莫能均況于守令之憂民者至鮮而貪殘之舞手其間者皆是也使承平之世膏澤不及於下果誰之咎歟吾嘗求能覈其有田無稅有稅無田以定力役者蓋得二三人焉其一至元間紹興新昌縣尹李君其一大德間金谿縣尹趙

君其一同知餘姚州事劉君蓋皆能始終卒成其事者民之蒙惠豈其微哉顧今又聞吳興唐君為縣于徽之休寧而亦以此先之至正五年春君始至官召父老問民之不便者皆以不均告君曰吾不使胥曹任其事為其並緣為奸蠹也乃聽民自推擇廉而幹寔者委之五月甲子鄉各舉二人君置酒縣堂申命之戒以毋私毋擾毋欺三月以籍至縣八月訖事上其籍于郡民情大悅歌咏載道于是父老請伐石紀其事使至上京求余為之文余固樂君之慈祥清簡

歸令不煩而一掃宿弊使其民樂生安業于無窮何
其有古循吏之風哉君名棣字子萃文章清麗而善
寫山水嘗承詔画嘉禧殿御屏故不知者謂君以画
名家而已